

## LU RESPONZU

Ci su' mumenti lari di la vita,  
quann'è ca lu responzu havi arrivari:  
o nni pirdemu tutta la partita,  
oppuru, si nni tocca di spirari.

Lu jornu passa a fari malavita  
è un chiovu fissu chi fa turmintari,  
ni sbattuliamu comu 'a taddarita  
senza sapiri, zoccu amu a fari.

Si lu rensponzu, doppu nun è bonu,  
si perdi tutta la sirinità,  
arriva forti comu fussi un tronu,  
e nta lu cori c'è 'nfilicità.

Ma quannu la risposta è prumittenti,  
la testa nni si jinchi 'i fantasia,  
ma stannu attenti a essiri prudenti,  
pinzannu chi quarcunu si siddia.

La vita nun nni duna spiegazione,  
nun s'ha caputu mai la virità  
è strata senza nudda indicazione  
è lu misteru di l'umanità.

IL RESPONSO: Ci sono momenti brutti della vita/ quando il responso deve arrivare/ o perdiamo tutta la partita/ oppure se ci tocca di sperare. /I giorni trascorrono in sofferenza/ come un chiodo fisso che fa tormentare/ ci dibattiamo come pipistrelli/ senza sapere cosa c'è da fare./ Se il responso non è buono/ si perde tutta la serenità/ arriva forte come fosse un tuono/ e nel cuore avviene l'infelicità./Ma quando la risposta è al positivo/ la testa si riempie di fantasia/ gioendo sempre con prudenza/ pensando che qualcuno possa soffrirci./ La vita non ne dà spiegazioni/ è difficile capire dove sta la verità/ è una strada senza nessuna indicazione/è il mistero dell'umanità.